



# გარეჯოს მასხნა

მუნიციპალიტეტის საინფორმაციო გაზეთი №3(17) 2012 წ. 1-15 თებერვალი ფასი 50 თეთრი

## დიდთოვლობა საბარჯოს მუნიციპალიტეტში



### სოფლებში მისასვლელი გზები აღდგენილია

4 თებერვალი 2012

დიდთოვლობის შედეგად ჩაკეტილი გზა გახსნილია სოფელ უდაბნოსა და კრასნაგორკაში. აღდგენილი გზების სანახავად ადგილზე იმყოფებოდნენ საგარეჯოს მუნიციპალიტეტის გამგებლის მოადგილე შადვა ჯაბადარი, ადმინისტრაციული სამსახურის უფროსი ამირან სონიშვილი და სოფელ კრასნაგორკის რწმუნებული გივი ლალიაშვილი.



### დიდთოვლობა გრძელდება

8 თებერვალი 2012

დიდთოვლობამ კვლავ პრობლემები შექმნა საგარეჯოს მუნიციპალიტეტში. დამით მოსულმა უხვმა ნალექმა ჩაკეტა სოფლებში მისასვლელი გზები, სატრანსპორტო მოძრაობა შეფერხდა მუნიციპალიტეტის თითქმის ყველა სოფელში, გადაადგილება შესაძლებელი იყო მხოლოდ ორხიდიანი და მაღალი გამავლობის ტრანსპორტისათვის.

დღეს, მთელი დღის განმავლობაში იწმინდებოდა ქ. საგარეჯოს ცენტრალური ქუჩები, სპეციალური ტექნიკა მობილიზებული იყო მუნიციპალიტეტის სოფლებში.

ამჟამად კვლავ მიმდინარეობს სოფლებში მისასვლელი გზების გაწმენდითი სამუშაოები. სატრანსპორტო მოძრაობა შესაძლებელია ორხიდიანი და მაღალი გამავლობის მანქანებისათვის, რაც შეეხება მსუბუქ ავტომანქანებს, გადაადგილდებიან მოცურების საწინააღმდეგო ჯაჭვების საშუალებით.

საგარეჯოს მუნიციპალიტეტის გამგეობის პრესსამსახური

# თათბირი

## მუნიციპალური ბიუჯეტი



### 7 თებერვალი, 2012 წელი

საგარეო ურთიერთობების მინისტრის განცხადებით, მუნიციპალიტეტების გამგებელი გარდასახვის პროცესი დაიწყო და თითოეული ტერიტორიული ერთეულის დაფინანსება მიმოიხილა ამ კუთხით. როგორც მან თათბირის მონაწილეებს აუწყა, მიმდინარე წლის დაფინანსება ამ პროგრამით გათვალისწინებული პროექტების განხორციელებლად 200 ათასი ლარითაა გაზრდილი.

– თითოეულ ტერიტორიულ ერთეულში დიდი პასუხისმგებლობით უნდა ჩატარდეს სასოფლო კრებები, რომლებზედაც სოფლების მოსახლეობამ უნდა გამოთქვას მოსაზრება, შეაჯეროს აზრი და სოფლის პრიორიტეტულ საკითხად ის მწვავე პრობლემა უნდა მიიჩნიოს, რომლის გადაჭრასაც მიმდინარე წლის

გაზაფხულის პირველივე თვეებიდან შეუდგებით. მოსახლეობაში რეალურად უნდა იქნას გამოკითხული ყველა საკითხი, რომელიც მათ აწუხებთ, – თქვა ბატონმა გიამ.

თათბირზე, ასევე, განხილულ იქნა საკითხები, რომლებიც მოითხოვს დრამა შესწავლას, მაგრამ, ამასთან ითქვა იმ სასიხარულო პროცესებზე, რომლებიც უახლოეს მომავალში განხორციელდება. კონკრეტულად, როგორც ბატონმა გიამ განაცხადა, ადრეულად, მოქალაქეებს, რომელსაც 5 კა-ზე ნაკლები მიწის ფართობი აქვს ოჯახის საარსებოდ, რომელიც საგადასახადო ინსპექციის მიერ არის გაწერილი, ერიცხება გადასახადი, მიუხედავად საიჯარო ხელშეკრულების არსებობა-არარსებობისა, მას დაუკანონდება მიწის ფართობი 1 წლის განმავლობაში განვადებით გამოსყიდვის წესით, როგორც გაირკვა ადრეული ინციდენტი, მთავრობის წინაშე პრეზიდენტის რწმუნებულის კახეთის მხარეში, ბატონი გიორგი ღვინ-

იაშვილის მიერაა დაყენებული.

საინტერესო იყო ბ-ნ გიამ ჩალათაშვილის მოწოდებული ინფორმაცია პროგრამა „გაიდიმეს“ შესახებ, რომლის მიხედვითაც ჩვენი მუნიციპალიტეტის ტერიტორიაზე ადრეული პროგრამა მანავის საექიმო ამბულატორიაში განხორციელდება. პროგრამა „გაიდიმე“ ითვალისწინებს სოციალურად დაუცველი, ეკონომიურად გაჭირვებული მოსუცებისათვის პირის ღრუს მოწესრიგება-პროთეზირებას, მკურნალობას. პროგრამა კახეთის რვა რაიონიდან ექვს ცენტრში განხორციელდება და ერთ-ერთი სწორედ მანავში იქნება, – აღნიშნა ბ-ნმა გიამ ჩალათაშვილმა.

ასევე, ინტერესით შეხვდნენ თათბირის მონაწილენი ინფორმაციას საერთო საცხოვრებელში დღემდე არაპრივატიზებულ ბინების სიბოლოურ ფასად – 1 ლარად პრივატიზების შესახებ. ასეთი მითინადრები კი, როგორც აღმოჩნდა, სა-

გარეოშიც მრავლად არიან, რადგან ზოგიერთს ბინის ორდერი დაკარგული აქვს, ან საერთოდ არ მიუციათ თავის ღრუზე.

უკანასკნელ ხანს საქართველოს ხელისუფლება და მთავრობა დიდ ყურადღებას აქცევს სოფლის მოყვარეობის სფეროში მიმდინარე პროგრამების განხორციელებას, ამიტომ ყველა მუნიციპალიტეტშიც და მათ შორის ჩვენი მუნიციპალიტეტის გამგებობაში შეიქმნა სოფლის მეურნეობის სამსახური, რომელსაც გამგებობის ადგილობრივი ქონების მართვის განყოფილების ყოფილი უფროსი ალექსანდრე შათირიშვილი ჩაუდგება სათავეში. □



# საგარეო ურთიერთობების საქართველოს სლოგანი



საკუთრებაში არსებული არასასოფლო-სამეურნეო დანიშნულების 1 კვადრატული მეტრი მიწის ნორმატიული ფასი (შემდგომში „მიწის ნორმატიული ფასი“), ასევე, ამ კატეგორიის მიწებზე წლიური საიჯარო ქირა 1 კვადრატულ მეტრზე გაანგარიშებით.

საკითხის „ადგილობრივი (ქონების) გადასახადის შემოღებისა და განაკვეთების განსაზღვრის შესახებ“ განხილვის შემდეგ მიღებულ იქნა შესაბამისი დადგენილება, რომლის მიხედვითაც განისაზღვრა ადგილობრივი (ქონების) გადასახადის განაკვეთები: საწარმოსათვის (ორგანიზაციისათვის) ქონების გადასახადის წლიური განაკვეთი დასაბეგრი ღირებულების 1%-ით განისაზღვრა. დასაბეგრი ქონების ღირებულება არის საშუალო წლიური საბალანსო ნარჩენი ღირებულება, რომელიც შემდეგნაირად გაიზრდება მხოლოდ უძრავ ქონებასთან მიმართებაში 2000 წლამდე მიღებულ აქტივებზე – 3-ჯერ, 2000 წლიდან 2004 წლამდე მიღებულ აქტივებზე – 2-ჯერ, 2004 წელს მიღებულ აქტივებზე – 1.5-ჯერ, იმ აქტივებზე, რომლის მიღების შესახებ ინფორმაცია არ არსებობს – 3-ჯერ. ასევე, საწარმოსათვის (ორგანიზაციისათვის) ლიზინგით გაცემულ დასაბეგრი ქონებაზე გადასახადის წლიური განაკვეთია დასაბეგრი ქონების წლიური საბალანსო ნაშთის ღირებულების 1%; სალიზინგო კომპანიისათვის ლიზინგით გაცემულ დასაბეგრი ქონებაზე წლიური გადასახადი ლიზინგის მთელი პერიოდის განმავლობაში განისაზღვრება მის მიერ დასაბეგრი ქონების ლიზინგით პირველად გაცემის მომენტისათვის არსებული საბალანსო საწყისი ღირებულების 0.6 პროცენტით; რაც შეეხება ფიზიკური პირის დასაბეგრი ქონებაზე გადასახადის წლიური განაკვეთები: 100

ათას ლარამდე შემოსავლის მქონე ოჯახებისთვის – საგადასახადო პერიოდის ბოლოსათვის დასაბეგრი ქონების საბაზრო ღირებულების 0.1%; 100 ათასი ლარის ან მეტი შემოსავლის მქონე ოჯახებისათვის – საგადასახადო პერიოდის ბოლოსათვის დასაბეგრი ქონების საბაზრო ღირებულების 0.9%.

სასოფლო-სამეურნეო დანიშნულების მიწებზე ქონების გადასახადი ერთ პექტარზე შემდეგნაირად განისაზღვრა: სათიბებზე (მათ შორის გაკულტურებული სათიბებისათვის) – 16 ლარი, საძოვრებზე (მათ შორის გაკულტურებული საძოვრებისათვის) – 10 ლარი, სახნავი და სხვა კატეგორიის სასოფლო-სამეურნეო დანიშნულების მიწებზე – 63 ლარი.

მუნიციპალიტეტის ტერიტორიაზე არასასოფლო-სამეურნეო დანიშნულების მიწის ტერიტორიული კოეფიციენტი შეადგენს: ქ. საგარეჯოში 0.4-ს, სოფლებში: გომბორი, უჯარმა, ხაშში, პატარაქუდი, წყაროსთავი, ნინოწმინდა, გიორგიწმინდა, იორმუღანლო, ლამბალო, დუზაგარა, თულარი, ბოგდანოვკა – 0.3-ს, სხვა სოფლებში და მუნიციპალიტეტის დანარჩენ ტერიტორიაზე – 0.2-ს.

რაც შეეხება არასასოფლო-სამეურნეო დანიშნულების მიწაზე ქონების გადასახადი წელიწადში შეადგენს: ქ. საგარეჯოში – 0,096 ლარს, სოფლებში: გომბორი, სასაილო, უჯარმა, ხაშში, პატარაქუდი, წყაროსთავი, ნინოწმინდა, გიორგიწმინდა, თოხლიაური, მანავი, დიდი ჩაილური, პატარა ჩაილური, კაკაბეთი, ვერხვიანი, ბადიაური, იორმუღანლო, ლამბალო, დუზაგარა, თულარი, ბოგდანოვკა – 0,072, სხვა სოფლებსა და მუნიციპალიტეტის დანარჩენ ტერიტორიაზე 0, 048 ლარს.

ბუნებრივი რესურსებით მოსარგებლე პირებისათვის შესაბამისი ლიცენზიის



გაცემის საფუძველზე გამოყოფილი მიწების ერთ პექტარზე ქონების გადასახადის წლიური განაკვეთია 3 ლარი.

სხდომაზე განხილულ იქნა შემდეგი საკითხები: „არასამეწარმეო (არაკომერციული) იურიდიული პირის „კულტურის ობიექტების გაერთიანებაში“ შემავალი დაწესებულებების საშტატო განრიგისა და სახელფასო ფონდის დამტკიცების შესახებ“ საგარეჯოს მუნიციპალიტეტის საკრებულოს 2007 წლის 25 სექტემბრის №80 განკარგულებაში ცვლილებების შეტანის თაობაზე“ და არასამეწარმეო იურიდიული პირის „სკოლამდელი და სკოლისგარეშე სასწავლო-სააღმზრდელო დაწესებულებების გაერთიანებაში“ შემავალი დაწესებულებების საშტატო განრიგისა და სახელფასო ფონდის დამტკიცების შესახებ“ საგარეჯოს მუნიციპალიტეტის საკრებულოს 2007 წლის 25 სექტემბრის №78 განკარგულებაში ცვლილებების შეტანის თაობაზე“, განხილვის შემდეგ სხდომამ მიიღო შესაბამისი გადაწყვეტილება თითოეულ საკითხზე.

სხდომაზე, ასევე, განხილულ იქნა სხვადასხვა საკითხები, რომელთა განხილვის შემდეგ ყველა განხილულ საკითხზე მიიღეს შესაბამისი გადაწყვეტილებები.

სხდომას ესწრებოდა საგარეჯოს მუნიციპალიტეტის გამგებლის მოადგილე გიორგი ბუციტაშვილი. □

27 იანვარს საგარეჯოს მუნიციპალიტეტის საკრებულოს სხდომას საკრებულოს თავმჯდომარე ილია ჰიაშვილი უძღვებოდა. მან დეპუტატებს და მოწვეულ სტუმრებს გააცნო სხდომის დღის წესრიგი.

დღის წესრიგის პირველ საკითხზე „საგარეჯოს მუნიციპალიტეტის 2012 წლის ბიუჯეტის დამტკიცების შესახებ“ საგარეჯოს მუნიციპალიტეტის საკრებულოს 2011 წლის 23 დეკემბრის №20 დადგენილებაში ცვლილებების შეტანის შესახებ“ მოხსენება გააკეთა საგარეჯოს მუნიციპალიტეტის გამგებობის ბიუჯეტის დაგეგმვისა და ადგილობრივი ფინანსების მართვის სამსახურის უფროსმა ნინო ქურხულმა.

სხდომაზე განხილულ იქნა საკითხი „საგარეჯოს მუნიციპალიტეტში სახელმწიფო და საგარეჯოს მუნიციპალიტეტის საკუთრებაში არსებული არასასოფლო-სამეურნეო დანიშნულების მიწის ზონირების, ნორმატიული ფასისა და წლიური საიჯარო ქირის დადგენის შესახებ“. ადრეული საკითხის შესახებ საკრებულომ მიიღო შესაბამისი დადგენილება, რომლის მიხედვითაც განისაზღვრა ქ. საგარეჯოს ზონები, საგარეჯოს მუნიციპალიტეტში სახელმწიფო და საგარეჯოს მუნიციპალიტეტის

**ბიზი ღაბასიშვილი**

577-95-14-08



**რწმუნებული  
პაატა ჭამიაშვილი**

სადღესოდ დაყოფას, დანაწევრებას და მიგრაციის პროცესებს გადარჩენილი შიბლიანის სასოფლო-სამეურნეო საგარეოების მთლიანი ფართობი 1200 ჰექტრამდეა. აქედან 110 ჰექტარი რქაწითელის და 10 ჰექტარი საფურავის ვენახებს უჭირავს. იორსგალმა ზეგანზე „ალანდარაში“ 603 ჰექტარი სახნავ-სათესი აქვთ შიბლიანელებს, 220 ჰექტრამდე ივრის გამოღმა, სოფელ ბოგდანოვკის ბოლოში. დანარჩენი სათიბ-სადოვრები ვენახებისა და ხვნა-თესვის გარდა, მისდევენ მეცხოველეობას, მეფუტკრეობას, მეფრინველეობას, ერთი სიტყვით, ქართული სოფლის ჩვეულებრივი ცხოვრებით ცხოვრობენ.

– 2012 წლის 1 იანვრის მდგომარეობით შიბლიანში 183 კომლი, აქედან 158 ძირითადი მაცხოვრებელი აღრიცხული – 570 მოსახლით, – გვისხნის სოფლის რწმუნებული პაატა ჭამიაშვილი. გასული საუკუნის 50-60-იან წლებამდე, ვიდრე აქ მასობრივი მიგრაცია დაიწყო, შიბლიანში 250-300 კომლ მოსახლეს ითვლიდნენ. უგზობა, გაუსაძლისი საყოფაცხოვრებო პირობები, შემოსავლის წყაროს ნაკლებობა აქაურ გლეხკაცობას აიძულებდა მასიურად აყრილიყვნენ მამაპაპეული ადგილებიდან და ბარში ჩასახლებულიყვნენ ახალი საარსებო წყაროს საძიებლად, რადგან მცირე მიწის ნაკვეთებიდან მოწეული მოსავლით, რომლებიც მათ კოლექტივიზაციის დროს დაურთვდათ, საკმარისი არ იყო თავისა და ოჯახის სარჩენად. მართალია, 80-იანი წლების დამდეგიდან აქ გატარდა რიგი ღონისძიებებისა, ახალი სამუშაო ადგილების შექმნისა და მოსახლეობის დასაქმებისათვის, მაგრამ ეს საკმარისი არ აღმოჩნდა ზოგიერთი სულმოკლე შიბლიანელის ადგილზე დასამაგრებლად და მიგრაციის პროცესის შესანერგებლად. ეს პროცესი კვლავ გრძელდებოდა და სამწუხაროდ, ამის თითოთროლა მაგალითი დღესაც გვაქვს. ისე, რომ ერთ დროს ხალხმრავალი სოფლიდან ერთი მესამედი თუღა არის დარჩენილი.

სადღესოდ შიბლიანში ძირითადად ცხოვრობენ ძირკველიშვილები, ჭამიაშვილები, ხუროშვილები, სადუნაშვილები, ნოკოშვილები, გელიკოშვილები, ნათენაძეები, ზირაქაშვილები, ხარატიშვილები. საგარეჯოში და სხვა რეგიონებში აქედან გადასახლებული არიან ბაზერაშვილები, მოსულიშვილები, აბესაძეები, კოლოტაძეები, ჯავახიშვილები და სხვები.

სოფელში მრავლად ყოფილა ქრისტიანული სალოცავები, რომელთაგან სადღესოდ შემორჩენილია ღვთისმშობლის, კვირაცხოვლის, წმინდა თევდორეს,



**საბაშვილი ბაღი**

**ტიპიტორიული ერთეული**

**შიბლიანი და შიბლიანელები**

**უკველახი სოფლის  
დღევანდელი**

ყველაწმინდის. აქედან სოფლის მოსახლეობის ძალებით აღდგენილია სოფლის ჩრდილო-დასავლეთით მდებარე გორაკზე მდებარე ღვთისმშობლის სახელობის ეკლესია.

სოფლის ისტორიული წარსულის დასტურად აქ მრავალი ადგილის ტოპონიმია შემორჩენილი. „საყარაულო გორა“, „თავდამყურე ციხე“, „თადიას გორა“, „ციხის ფერდა“, „ჯვარაგზა“, „ნაშარალი“, „ნაციხარი“, „სიძმარა“ და სხვა, სადაც მიწის დამუშავების დროს უამრავ არქეოლოგიურ მასალებს აწვდებიან აქაურები.

სოფლის ტერიტორიაზე უამრავი წყარო ყოფილა, საიდანაც სადღესოდ 14-ია მოღწეული: „ღვინიას წყალი“, „წანწკარა“, „ქულახევის“, „ბაღის წყალი“, „ბაჩას ხევის“, „სიხმარას“, „კოდების“, „მეხების“, „ხარულელას“, „ჟიბროს“, „კუს წყარო“, „ბრმა წყარო“, „ყარაღას ხევის“ წყლები და წყაროები.

სოფლის უხუცესი პედაგოგის ელენე ძირკველიშვილის მონათხრობით შიბლიანი არაშენდელი თავადების მალხაზ და ივანე ანდრონიკაშვილების საბატონო სოფელი ყოფილა. აქ მათ 20 კომლი ემაგლეხი, 9 წისკვილი და უამრავი სახნავ-სათესი ადგილი ჰქონიათ, რომლებიც მინდორ „ალანდარას“ გარდა დღევანდელი სოფელ ბოგდანოვკისა და ბაღაურის ტერიტორიებს მოიცავდა. კახეთის რკინიგზის გაყვანის შემდგომ დაარსდა ბაღაური. მისივე გადმოცემით, მის ბავშვობაში სოფლის დასავლეთით კიდევ ყოფილა შემორჩენილი შიბლიანიდან ჭერემის გზის გასწვრივ მიმავალი ციხესიმაგრის გაღავნის ერთმეტრიანი კედ-

სკოლა კი 1924 წელს ხალხოსან ვანო სადუნაშვილსა და მის მეუღლეს ვარა სადუნაშვილს დაუარსებიათ.

ამ სკოლის სანაცვლოდ, დღეს შიბლიანში აქაური პატარების სწავლა-განათლების საქმეს საჯარო სკოლასთან ერთად ერთი საბავშვო ბაღიც ემსახურება. ეს საბავშვო-სააღმზრდელო დაწესებულება ყოფილი მასწავლებლის სახლშია განთავსებული, რომელიც შეკეთდა, გაღამაზდა და თანამედროვე დონეზე აღიჭურვა. 23 წელია ამ ბაღს სათავეში უდგას და ხელმძღვანელობს მენეჯერი ეთერ ყუშიტაშვილი. იგი უკვე 34 წელია პატარაგაგანის შიბლიანშია გამოთხოვილი და მრავალი აქაური ბავშვი ჰყავს აღზრდილი. სადღესოდ საბავშვო ბაღში 8 აღსაზრდელია, აქედან 3 გამოსაშვები ასაკის, რომელთაც პედ-

**ადმინისტრაციული შენობა და სკოლა**




აგოგი თამარ ხუროშვილი ემსახურება. ამავ უმცროსაშია განთავსებული სოფლის ამბულატორია. ბაღაურელი მედიკოსი ცინარი აბესაძე ყოველ კვირაში ერთ დღეს აკითხავს შიბლიანელებს და უფასო სამედიცინო დახმარებას უწევს აქაურებს.

შიბლიანელთა სამსახურშია ოთხი სასურსათო მაღაზია, მარაგაგებიან თხევადი აირით, აქვთ 24 საათიანი ელექტრომომარაგება.

– შიბლიანში ცხოვრება ნელ-ნელა, მაგრამ მტკიცედ დგება კალაპოტში, – გვითხრა სოფლის დეპუტატმა თენგიზ ძირკველიშვილმა, როცა სოფელს აქვს ნორმალური წყალმომარაგება, სინათლე, გზა, – ბარისა და ქალაქისაკენ აქაურობას შეჩვეული კაცი ისე ადვილად აღარ გაიხედავს. მე აქ გაზრდილ-დაბადებული ვარ და ბრმა უნდა იყოს კაცი, რომ არ დაინახოს ის სიკეთე, რაც ამ ბოლო ხანებში შიბლიანელებისათვის გააკეთა ჩვენმა ხელისუფლებამ. ამ საქმეთა შესრულებაში მეც მიმიძღვის მცირე წვლილი და ვიცი, რომ რაც გაკეთდა, ყველაფერი კარგია და ხარისხიანი. გაკეთებით კი ამ ორ-სამ წელიწადში არც თუ ისე ცოტა რამეა გაკეთებული. მართლაც ის რად ღირს, რომ შეკეთდა სოფლის ცენტრალური გზა და გაკეთდა მასზე გადასასვლელი კაპიტალური ხიდი, რომელსაც ვედარაფერს დააკლეს ვერც წვიმა და ვერც ნიაღვრები. აქვე გაკეთდა დამცველი გაბიონები. ასევე, სოფელში გაკეთდა კვირაცხოვლის ვენახებში გადასასვლელი ბოგირი, გარემონტდა ყოფილი მასწავლებლის სახლი, სადაც საბავშვო ბაღმა და საუკიმო ამბულატორიამ დაიდგინა ბინა. მთლიანი რეაბილიტაცია გაუკეთდა სასამართლო წყლის ჭაბურღელს, შეიცვალა წყალგაყვანილობის სისტემები. კვირაცხოვლის ხევზე მოეწყო დამცავი დამბები.

სოფლის პროგრამით გაკეთდა მუხისა და „კოდის“ წყაროები, რომლებიც ხალხის სასამართლოდ ვარგისია და აქვე მოეწყო საქონლის დასარწმუნებელი აუზები, ზაფხულში კი შესაძლებელია ვენახების წამლობისათვის საჭირო წყლის აღებაც.

ყველაფერი ამისათვის შიბლიანელები



**დეპუტატი თენგიზ  
ძირკველიშვილი**

დიდი მადლობლები არიან ჩვენი ქვეყნისა და მუნიციპალიტეტის ხელმძღვანელების და ვცდილობთ ჩვენი პატარა წვლილიც შევიტანოთ ჩვენი სოფლის საკეთილდღეო შრომაში.

არ ყოფილა არც ერთი ზემოთნათოვლილი სამუშაო, რომელშიც აქაურებს მონაწილეობა არ მიეღოთ, – გვიყვება სოფლის რწმუნებული პაატა ჭამიაშვილი, – გზების შეკეთების სამუშაოები იყო, გაბიონების მოწყობა, სტიქიის შედეგების ლიკვიდაცია თუ სხვა რამ, ისინი აქტიურად იღებდნენ მასში მონაწილეობას. ვისაც არ ეცალა – საკვებითა და სურსათით ამარაგებდნენ მშენებლებს.

ჩვენი ხიდის მშენებლები გააკვირვებულნი და გაოცებულნი წავიდნენ აქედან შიბლიანელთა მიერ მათ მიმართ გამოჩენილი ასეთი გულსხმიერების გამო. ასევე სოფლის მოსახლეობისა და ქველმოქმედი ადამიანების ძალებით შემოიღობა კვირაცხოვლის სასოფლო, ადღა ღვთისმშობლის ეკლესია. სოფლის ადმინისტრაციისა და წინსვლის სამუშაოები არც ახლა წყდება. მართალია, ზამთარი და დიდი თოვლია, მაგრამ უკვე მიმდინარეობს შიბლიანის ახალი სკოლის ფუნდამენტის მომზადების სამუშაოები, რაშიც სოფლის მოსახლეობაც იღებს მონაწილეობას. ყველას სურვილია, რომ ეს სასწავლო დაწესებულება დათქმულ ვადებში – მიმდინარე წლის სექტემბერში ჩაღვეს შიბლიანელი მოსწავლე-ახალგაზრდობის სწავლა-აღზრდის სამსახურში.

უახლოეს ხანებში დაიწყება სოფლის გაზიფიცირების სამუშაოები, ისე, რომ იმედია, ჩვენი სოფელი მალე შეიძენს თანამედროვე სოფლისათვის დამახასიათებელ იერ-სახეს და იქნება საკურორტო სოფლადაც გადაიქცეს. თუ ასე მოხდა, ჩვენს ხალხს ნამდვილად აღარ გაუჩნდება ბარად გადასახლების სურვილი და პირიქით, უნდა ველოდოთ ხალხის მატებას.

ვნახოთ, ჩვენი მუნიციპალიტეტის ხელმძღვანელებსა, საქართველოს მთავრობას ქვეყნის ადმინისტრაციის ისეთი კურსი აქვთ ადგებული, რომ ეს დრო მგონი შორს აღარ არის.



**დავით ხუროშვილი**

მიმდინარე წლის წინასახალწლო დღეებში საგარეჯოს მუნიციპალიტეტის ძირკველ ქართულ სოფელ შიბლიანში კიდევ ერთ მნიშვნელოვან და საშვილიშვილო საქმეს მოუბა თავი – 27 დეკემბერს დაიწყო ახალი, თანამედროვე სტანდარტების სკოლის შენობის მშენებლობა, რომელიც ძველი სკოლის

**დასასრული მე-4 გვერდზე**

მესამე გვერდიდან

ტერიტორიაზე აშენდება. შიბლიანელებსათვის ამ საინტერესო მოვლენას თვით საქართველოს განათლებისა და მეცნიერების მინისტრი დიმიტრი შაშკინი დაესწრო, რომელსაც ადგილზე მუნიციპალიტეტის ხელმძღვანელობა და პარლამენტარი ზაზა გულიაშვილი შეემოუერთდნენ. ახალი სკოლის მშენებლობა ვის და რომელი სოფლის მცხოვრებლებს არ გაახარებს, მაგრამ ეს დღე ორმაგად სასიხარულო და სახეიმო იყო ყველა შიბლიანელისათვის, დიდისთვის და პატარისთვისაც, ამ მშენებლობის დაწყებას ხომ აგერ რამდენი წელია ელოდნენ აქაური მოსწავლეები და პედაგოგები.

სადუნაშვილების მიერ დაარსებული სკოლის შემდეგ ქვეყნის განვითარების სკველობაზე 1924 წლიდან სკოლა გაფართოებულია და ჯერ არასრულ საშუალო სკოლად, უფრო მოგვიანებით, 2002 წელს კი საშუალო სკოლად ჩამოყალიბებულია.




ბეზულა, გვიყვება სკოლის დირექტორი დავით ხუროშვილი.

**- ბატონო დავით, მანამდე სად იღებდნენ საშუალო განათლებას აქაური ახალგაზრდები?**

- იმ პერიოდში, ანუ გასული საუკუნის 60-70-იან წლებში სოფელში ისეთი კურსი იყო აღებული, რომ დაამთავრებდა თუ არა ახალგაზრდა 9 კლასს, ტექნიკუმებში აგრძელებდნენ სწავლას; საშუალო განათლების მიღების მსურველები კი, ვისაც სად და როგორ მოემართებოდა ხელი, იქ ამთავრებდა სკოლას, ნათესავებთან შეკედლებულიები - მესობელ სოფლებში, თბილისში, რუსთავეში, რადგან შიბლიანიდან სხვა სკოლებში მგზავრობა ჩვენს პირობებშიც წარმოუდგენელია, არამც თუ იმ პერიოდში. სწორედ ამიტომ იყო, რომ იმ ხანებში სოფლებში საკმაოდ მცირე იყო უმაღლესდამთავრებული რიცხვი და მხოლოდ ამ ბოლო წლებში გაუმჯობესდა ეს მდგომარეობა.

**- თუ არ ვცდები, 2002 წელს, როცა სკოლა საშუალო სკოლად გადაკეთდა, სკოლის დირექტორი თქვენ ბრძანდებოდით. აქედან გამომდინარე ყველაზე უკეთ თქვენ გეცოდინებათ, რა გახდა აქამდე არსებული სკოლის შენობის დაზიანების მიზეზი და რატომ შეწყდა იქ სასწავლო პროცესი?**

- სკოლის აღნიშნული შენობა 1968 წელს აშენდა. იმ პერიოდში სოფელში ხალხის დიდი მიგრაცია იყო დაწყებული. უწყლობით, უშუქობით, უგზობით, უმუშევრობით შეწყობულმა ხალხმა, რომელიც საარსებო ღუქმა-პურს ძნელად შოულობდა სოფლის კოლმეურნეობაში მუშაობით, ბარში მეზობელ სოფლებში ან რაიონულ ცენტრსა და დიდ ქალაქებში დაიწყო ჩამოსახლება.



ტერიტორიული ერთეული

შიბლიანი და შიბლიანელები

უაგელის სოფლის დღევანდელი

სამწუხაროდ, ეს პროცესი ახლაც გრძელდება და თუ 1962 წლისათვის სოფელში აღრიცხული იყო 260 კომლზე მეტი, ამჟამად მხოლოდ 160 მუდმივი მცხოვრებელია. ჩვენი გამოთვლით შიბლიანიდან მარტო სოფელ ბოგდანოვკაში ჩასახლდა 100 კომლზე მეტი, კაჭრეთში - 50 და ა.შ.

ჩემი მოსაზრებით, მიგრაციის ასეთ ფონზე სკოლის მშენებლებმა საქმე მიაფუხენეს, აქაოდა მალე შიბლიანში მოსახლე აღარ დარჩებოდა. სხვათაგან ძნელია ახსნა მოუძებნო იმას, რომ ამხელა ორსართულიან შენობას, რომელიც რკინა-ბეტონის მრავალტონიანი ფილებითაა გადახურული, 60 სანტიმეტრი სიღრმის ფუნდამენტი აქონდა. ეტეობა ჩატარებული არ იყო ნიადაგის გეოლოგიური გამოკვლევაც. აქ ძირითადად თიხნარი, მცოცავი მიწებია. ამის გამო, 1980 წელს სკოლას პირველი ბზარები გაუჩნდა და გამაგრების სამუშაოების ჩატარება დასჭირდა. როგორც შემდეგ აღმოჩნდა, ეს სამუშაოები საკმარისი არ იყო და 1998-99 წლებისათვის იმდენად დაზიანდა

დაწესებულება უფელდლიური სამარშრუტო მიმოსვლა დედაქალაქამდე, გვაქვს თანამედროვე სტანდარტების დონეზე მოწყობილი საბავშვო ბაღი, გაკეთდა სოფლის თავში სასმელი წყლის ტაბურდელი და ახლა ყველა უბანში 50 მეტრის დაშორებით დაყენებულია ონკანები. ყველაფერი ეს რაიონის ხელმძღვანელობის, ჩვენი პარლამენტარის დახმარებით გაკეთდა, რისთვისაც შიბლიანელები დიდ მადლობას უხვდით მუნიციპალიტეტის გამგებებს ვინა ჩალათაშვილს, საკრებულოს თავმჯდომარეს ილია ჭიაურელს, დეპუტატ ზაზა გულიაშვილს. უფრო მეტის გაკეთებაა დასახული მიმდინარე წლისათვის. მათ შორის, როგორც ვხედავთ, ახალი სკოლაც შენდება და იმედია, მომდევნო უახლოეს წლებში ჩვენი მოსწავლეების კონტიგენტი საგრძობლად გაიზრდება, რადგან ახლა ისინი სასწავლებლად სხვა ადგილებში არიან წასულები.

მა ჩალათაშვილი, ზაზა გულიაშვილი და დიმიტრი შაშკინი შიბლიანის მუნიციპალიტეტის მერიის განყოფილებაში



სართულიანი შენობა, სადაც საკლასო ოთახებთან ერთად განთავსდება ბიბლიოთეკა, სპორტდარბაზი, კომპიუტერული კაბინეტი, კლას-კაბინეტები და სხვა. ერთი სიტყვით, ეს იქნება თანამედროვე სტანდარტებით აღჭურვილი სკოლა. მისი პროექტი აშენებამდე გაიცნეს შიბლიანელებმა და მათი დიდი მოწონებაც დაიმსახურა.

**- ვინ აფინანსებს და რა დაჯდება ახალი სკოლის მშენებლობა?**

- მშენებლობას მთლიანად განათლებისა და მეცნიერების სამინისტრო აფინანსებს, რაც თანხებში 782 ათას ლარს შეადგენს.

**- როგორ ფიქრობთ, აიტანს ეს ნიადაგი ახალი სკოლის სიმძიმეს, თუ ძველი სკოლის მსგავსად მომავალში მასაც იგივე ბედი ელის. ახლა თუ მაინც ჩატარდა ნიადაგის სათანადო გამოკვლევები საამისოდ?**

- არა მგონია მსგავსი სიტუაცია მომავალშიც განმეორდეს, რადგან აქ ყველაფერი წინასწარაა გათვლილი და შესწავლილი. ისე, რომ იმედი უნდა ვიქონიოთ, ამ სასექტემბროდ შიბლიანელი მოსწავლეები ახალ სასწავლო წელს ახალ სასკოლო შენობაში, განსხვავებულ და სასიამოვნო გარემოში შეხვდებიან. ამისათვის მე მინდა ყველა შიბლიანელის, ჩვენი მოსწავლე-ახალგაზრდობის, მათი მშობლებისა და პედაგოგ-მასწავლებლების სახელით წინასწარ დიდი მადლობა გადავუხადო საქართველოს განათლებისა და მეცნიერების სამინისტროს, საქართველოს მთავრობას ჩვენდამი გამორჩენილი ასეთი ყურადღებისა და მზრუნველობისათვის. დიდი მადლობა მინდა მიუხედავად ჩვენი მუნიციპალიტეტის ხელმძღვანელობას შიბლიანში ამ ბოლო წლებში განხორციელებული სამუშაოებისათვის. ამით ხომ მათ კიდევ ერთი დიდი აგური დადეს იმ მამულიშვილურ სამუშაოში სახელით, რაც ამ უძველეს კახურ სოფელში ქართველი კაცის მყარად დამკვიდრებისა და ქართული ჯიშგენის აღმავლობისათვის ხორციელდება.



პედაგოგები: ფეოლინა ტარტარაშვილი და ელენე ჭამიაშვილი

**- ბ-ნო დავით, როგორი იქნება შიბლიანის ახალი სკოლა, რომელხედაც თქვენ ასეთ იმედებს ამყარებთ და არც თუ ისე უსაფუძვლოდ. ჩემი მოსაზრებით, მისი ამოქმედება ხელს შეუწყობს არა მარტო შიბლიანიდან წასული მოსწავლეების სოფელში დაბრუნებას, არამედ ახალი სამუშაო ადგილების შექმნასა და ამდენად სოფლიდან მოსახლეობის მიგრაციის პროცესის ერთ-ერთი შემფერხებელი ფაქტორიც გახდება.**


- შიბლიანის საჯარო სკოლის ახალი შენობა, რომლის საძირკველიც უკვე გაიჭრა, 125 მოსწავლეს გაათვლილი. იგი ძველი სკოლის ეზოშივე აშენდება, რომლის ფართობი დაახლოებით 10000 კვადრატული მეტრი, ანუ 1 ჰექტარია. ასე, რომ საკმარისია არა მარტო ამ სკოლის შენობის ასაგებად, არამედ აქ სხვა საჭირო ნაგებობებისა და სპორტული მოედნების მოსაწყობად. სკოლის მშენებლობა, როგორც მოგახსენეთ, 27 დეკემბერს დაიწყო და მიმდინარე წლის 15 აგვისტოსათვის უნდა დამთავრდეს. მშენებლობას აწარმოებენ ტენდერში გამარჯვებული თბილისის შპს „ცივილიკონსტრუქ-



შიბლიანელი მოსწავლეები

3030  
ლაგანიშვილი  
577-95-14-08

# 306 იმარჯობს: ხუბიუპილი, პეტრიაუპილი, როსტიაუპილი თუ მკობონაუპილი?!



თემურ კურდელაშვილი

საგარეო აპ კომპლექსური სასპორტო სკოლის დირექტორმა თემურ კურდელაშვილმა, ამ დღეებში, როცა ამ სასპორტო დაწესებულებების გასული წლის შედეგებზე ვსაუბრობდით, ერთი ფრიად საინტერესო განცხადება გააკეთა. თურმე ფალაგების აღზრდის ამ ძველთაძველმა კერამ თავისუფალ ჭიდაობაში საქართველოს 4 ისეთი უძლიერესი ფალაგანი აღუზარდა, რომელთაც ძალიან შესწევთ ქვეყნის სახელის ნებისმიერი, უზადლესი რანგის ასპარეზზე დაცვა და ასევე უმაღლესი შედეგებისათვის ბრძოლა. ესენი არიან ჩვენთვის კარგად ცნობილი მოჭიდავეები: ახალგაზრდებში ევროპისა და მსოფლიო ჩემპიონი, უფროსებში 2011 წლის ევროპისა და მსოფლიოს ბრინჯაოს პრიზორი დავით ხუციშვილი, ასევე გასული წლის საქართველოს ჩემპიონი და ევროპის ვიცე-ჩემპიონი ახალგაზრდებში – ბექა პეტრიაშვილი, საქართველოს ვიცე-ჩემპიონი ახალგაზრდებში ზურა ერბოლაშვილი და მათივე თანაგუნდელი თორნიკე როსტიაშვილი. ვინც კი აღნიშნული მოჭიდავეების შედეგები იცის, გასაკვირი არაფერი მოეჩვენება ამ ნათქვამში, მაგრამ საინტერესო და სენსაციური ისაა, რომ ოთხივე მათგანი მწვრთნელ რამაზ ასაბაშვილისა და ზაზა ლაფერიშვილის ნამოწაფარი და ძირითადად 74 კილოგრამი წონითი კატეგორიის მოჭიდავეა. ასე, რომ ამ წონაში ისინი, ახლა თუ არა, უახლოეს მომავალში მაინც ერთმანეთის მეტოქე-კონკურენტად მოიაზრება და ადვილი შესაძლებელია, ერთმანეთს დღეს მსოფლიო ან ოლიმპიურ ასპარეზზე მათი მისახვედელი გზები გაადიკეთოს. ეს, რა თქმა უნდა, იმ შემთხვევაში, თუ ისინი ასევე წარმატებულად გააგრძელებენ თავიანთ წინსვლას სპორტულ არენაზე, საამისო შემართება და მოწადინება რამდენადაც ვიცით, არც ერთ მათგანს აკლია. ვნახოთ, როგორ განვითარდება შემდგომში მოჭიდავეები, ან როგორ გაამართლებენ ისინი სპორტსკოლის თავაკაცის ამ პროგნოზს! ჯერჯერობით კი, ეს შანსი მხოლოდ დავით ხუციშვილს გააჩნია, რომლისთვისაც დიდად ღონისძიების მომავალი ოლიმპიადის კარები.

რაც შეეხება სპორტსკოლის გასული წლის შედეგებს, როგორც ბატონმა თემურმა აგვისხნა, შარშან აქ მოქმედებდა ძიუდოს, სამოსის, თავისუფალი და ქართული ჭიდაობის, ჭადრაკისა და მძლეოსნობის სექციები. აქედან მარტო თავისუფალი ჭიდაობის შემსწავლელ სექციებში 120-ზე მეტი სხვადასხვა ასაკის მოზარდი ყოფილა გაერთიანებული, რომელთა დაოსტატება-დახელმძღვანელების საქმეს შეიძლება მწვრთნელ-მასწავლებელი: რამაზ ასაბაშვილი, დავით ბაბუნიაძე, კობა საგინაშვილი, ბიჭიკო მარიაშვილი, ზაზა ლაფერიშვილი და დათო ბუზარიაშვილი ემსახურება. მათი

წვრთნა-მომზადება ძირითადად საგარეო კლავის პოლიციისა და სპორტსკოლის დარბაზებში მიმდინარეობს.

– ამაზე მეტი სექციაა ჭიდაობის ოლიმპიურ სახეობაში – ძიუდოში, რაც მუნიციპალიტეტის თითქმის ყველა სოფელში მოქმედებს. მარტო საგარეო-ჯოში, ძიუდოს სპორტდარბაზში ოთხი სექციაა გახსნილი, – თქვა სპორტსკოლის დირექტორმა, – სადაც პატარა გარე-ჯელი ძიუდოსტების აღზრდის საქმეს მამუკა მათიაშვილი, ნუკრი გაგინაშვილი, კახა ყორღანაშვილი და ბადრი ბასილაშვილი უძღვებიან. ძიუდოს შემსწავლელი სექციები ასევე მოქმედებს გიორგიწმინდაში (მწვრთნელი გონა მეტოქეშვილი), ჩაილურში (მწვრთნელი თემურ როსტიაშვილი, როლანდ ავღინაშვილი), კაკაბეთში ( გიორგი მასურაშ-



რამაზ ასაბაშვილი თავის აღზარდულეებთან

ვილი), ნინოწმინდაში (გელა მანძულაშვილი), პატარძელში (ტრისტან და ლუხუშ სუხაშვილები), უდაბნოში (ბექა გულბანი).

რაც შეეხება ჭადრაკსა და მძლეოსნობას, სპორტის ეს სახეობები ძირითადად საგარეოშია წარმოდგენილი. აქედან ჭადრაკის ერთი სექციაა სპორტსკოლაში (მწვრთნელი ელენე ფარეშიშვილი), ერთი ქალაქის მერიის შენობაში (მწვრთნელი ირაკლი ქვლივიძე) და ერთი საგარეოში I საჯარო სკოლაში (თენგიზ კობიაშვილი) მოქმედებს. მძლეოსნობის სექცია კი საგარეო სტადიონზეა, სადაც ამ სახეობაში მომავალი საგარეოელი სპორტსმენების აღზრდას გვიგრატიაშვილი ემსახურება.

– ბატონო თემურ, მართალია ამის შესახებ თავის დროზე დაიწერა რესპუბლიკური სპორტული პრესის ფურცლებზე, მაგრამ მოდი კიდევ ერთხელ გაეხსენოთ ის წარმატებები, რასაც თქვენმა აღზარდულეებმა გასულ წელს მიაღწიეს და მათი დათვლა ისევ თავისუფალი ჭიდაობით და დავით ხუციშვილის მიღწევებით დავიწყეთ.

– როგორც ყველასათვის ცნობილია, 2011 წელი, ჩვენი მოჭიდავისათვის, რომელიც სულ ახლახანს გადავიდა ახალგაზრდებიდან უფროს ასაკში, არცთუ ურიგო შედეგებით აღინიშნა. მან ჯერ ევროპის პირველობაზე იხეიმა მესამე პრიზორობა, შემდეგ კი სტამბოლში გამართულ მსოფლიო ჩემპიონატზე გახდა ბრინჯაოს პრიზორი, რითაც ღონისძიების მომავალი ოლიმპიური თამაშების ლიცენზიაც მოიპოვა. მანამდე მან მოიგო ბაქოში მსოფლიო თასად წოდებული გრან-პრი. ამავე დროს, ოქროს მედალთან ერთად იგი აზერბეიჯანის პრეზიდენტის ილაჰმა ალიევის ნაწუქარი ოქროს საათისა და სოლიდური პონორარის მფლობელიც გახდა.

ამ ჯილდოების მიღებამდე დათო კიდევ რამდენიმე საერთაშორისო ტურნირის მოგებაც მოასწრო, რითაც კიდევ უფრო განიმტკიცა საქართველოს ნაკრებში 74 კილოგრამ წონით კატეგორიაში ლიდერის ადგილი.

როგორც საუბრის დასაწყისში აღვნიშნეთ, გასული წელი მნიშვნელოვანი წინსვლით აღინიშნა თავისუფალ ჭიდაობაში სპორტსკოლის მეორე აღზარდულის, 74 კილოგრამი წონითი კატეგორიის მოჭიდავე ბექა პეტრიაშვილისთვის. შარშან იგი ჯერ ბათუმში გამართული საქართველოს ჩემპიონატის გამარჯვებული გახდა, შემდეგ კი სერბეთის ევროპის პირველობის პრიზორობა იხეიმა. ბათუმშივე იხეიმა საქართველოს ჩემპიონობა ახალგაზრდებს შორის 50 კილოგრამ წონით კატეგორიაში მოასპარეზე ლევან როჭიაშვილმა. ჭაბუკებში (1994-1995წწ) საქართველოს ჩემპიონი გახდა გიორგი პასიაშვილი (42კგ).

ჭაბუკებში საქართველოს ჩემპიონი გახდა 84 კილოგრამი წონითი კატეგორიის მოჭიდავე ბექა როჭიაშვილიც. ამას გარდა, მან და გიორგიმ შეძლეს რამდენიმე საერთაშორისო ტურნირის მოგება, თუმცა საპრიზო ადგილებს გარეშე დაგვიბრუნდნენ ევროპისა და მსოფლიო ასპარეზობებიდან. უნდა ითქვას ისიც, რომ გიორგის ასაკის გამო, კიდევ ორჯერ აქვს შანსი ამ ასაკში შეჯიბრებებში იასპარეზოს.

2011 წელი საქართველოს ევროპის პრიზორობით აღინიშნა ზურა ერბოლაშვილმა. ჭიდაობის ამავე სახეობაში სხვადასხვა რესპუბლიკური ტურნირის პრიზორები გახდნენ: გიორგი ბუკიაშვილი, შალვა შათირიშვილი, გიგა შიოშვილი, მიშკო და ლევან ბოჭორიძეები, მიხეილ მამუკაშვილი და სხვები.

ნუკრი გაგინაშვილი

– ეს ბოლო 4-5 წელია საგარეო მუნიციპალიტეტში მნიშვნელოვანი ღონისძიებები ტარდება ჭიდაობის ოლიმპიური სახეობის – ძიუდოს პოპულარიზაციისა და აღორძინებისათვის. მწვრთნელის დედა სულ ახალი და ახალი დარბაზები, შემოტანილია ტატამები და სხვა ინვენტარი, რასაც თავისი შედეგებიც ახლავს. თუ არ ვცდები, მარტო გასულ წელს, სამი საგარეოელი ძიუდოისტი: ვანო მამისაშვილი, თამაზ კირაკოზაშვილი და ზაზა ხუბულური აყვანილი არიან ჭაბუკებში საქართველოს ნაკრების პირველ ნომრებად. როგორი იყო მათთვის აქეთიკენ მიმავალი სპორტული გზა?

– მათთვის ეს გზა იოლი სულაც არ ყოფილა და მხოლოდ თავიანთი ყოველდღიური დაძაბული შრომით გაიკვლიეს საკვალად. რაც შეეხება გასულ წელს, გარდა იმისა, რომ მათ იხეიმეს საქართველოს ჩემპიონობა, ასევე, მონაწილეობა მიიღეს სხვადასხვა საერთაშორისო ასპარეზობებში. აქედან ვანო მამისაშვილი-



ისათვის ყველაზე დიდი წარმატება კუნძულ მალტაზე ევროპის ჩემპიონატზე მოპოვებული ჩემპიონის ტიტულია ჭაბუკებში. თამაზ კირაკოზაშვილი გახდა ევროპის ევროპისა და ევროპის ოლიმპიური ფესტივალის ბრინჯაოს პრიზორი ჭაბუკებში.

საქართველოს ჩემპიონობით აღინიშნა გასული წელი ზაზა ხუბულურმა. სამწუხაროდ, მათთვის უიღბლო გამოდგა მსოფლიო ჩემპიონატი ჭაბუკებში, საიდანაც ისინი უმეღბლოდ დაგვიბრუნდნენ.

– როგორც თავის დროზე დააპარაკობდნენ, ევროპის პირველობასა და ფესტივალზეც კირაკოზაშვილი უფრო მაღალ, ჩემპიონის ტიტულს იმსახურებდა, მაგრამ მსაჯებმა ეს შესაძლებლობა აშკარად გამოგლიჯეს ხელიდან...

– მართალია ამ საქმეს ახლა არაფერი ეშველება, მაგრამ ეს ნამდვილად ასე მოხდა. ჯერ იყო და მალტაში ევროპის ჩემპიონატის ფინალში მაგომედოვთან აშკარა მოგებისას გამოაცალეს ხელიდან მსაჯებმა თამაზს ოქრო, მერე ევროპის ბავშვთა ოლიმპიურ ფესტივალზე სრულად უსაფუძვლოდ დანაგრეს ისრაელის წარმომადგენელთან. ისე, რომ, ოქროს ნაცვლად მხოლოდ ბრინჯაოს მოპოვებდა შეძლო. ამ ყველაფრისათვის მე საკუთარი თვლით მაქვს ინტერნეტში ნაყურები და ყველამ, ვინც ნახა ეს გადაცემები, აღშფოთებულს ვერ მალავდნენ მსაჯების ამ აშკარა არაობიექტურობაზე.

– ვანოს, ზაზასა და თამაზის გარდა, საქართველოს ძიუდოს ახალგაზრდულ ნაკრებში მგონი კიდევ რამდენიმე საგარეოელი ახალგაზრდაა შეყვანილი, არა?

– კი, ესენი არიან საქართველოს მესამე პრიზორები ზაურ მამარდაშვილი და ზაზა როსტომაშვილი. მათ გარდა გვეყავს ბევრი პერსპექტიული კიბანოსანი, რომლებსაც ჭაბუკთა მომავალი ჩემპიონატისათვის ვამზადებთ. აქვე მინდა დავძინო, რომ ძიუდოს გარდა ჩვენი ფალაგები სამოსისა და ქართულ ჭიდაობაში გამართულ ასპარეზობებშიც იღებენ მონაწილეობას და ამ სახეობებშიც გვეყავს ქვეყნის ჩემპიონებიც და პრიზორებიც.

– გავიგეთ, რომ ძიუდოს პოპულარიზაციის მიზნით 2011 წელს დასასრული მე-6 გვერდზე

დავით ბაბუნიაძე თავის აღზარდულთან

# 306 იმარჯვებუ: ხუნიუპილი, პეტრიაუპილი, როსტიაუპილი თუ პრეონაუპილი?!

დასასრული

კიდევ ერთი მნიშვნელოვანი ნაბიჯი გადავიდეთ, ცნობილი ქართველი ბორჯღალოსნის დახმარებით ზირაქაშვილის მშობლიურ სოფელ ბოგდანოვკაში ამ ჭიდაობის შემსწავლელი სექცია გაიხსნა.



კაბან ყორდანაშვილი

ეს სექცია სულ რაღაც სამი თვეა ავამოქმედებთ ბოგდანოვკაში. ამ საქმეს აქაური ახალგაზრდა სპორტსმენი სოსო ჭიკაძე ჩაუდგა სათავეში. იგი გულმოდგინედ შეეჭიდა ამ საქმეს და იმედია მალე აქედანაც წამოვა ახალი შეხება. გარდა ამისა, ამ საშობაო არდადეგებზე ჩვენ გვესტუმრნენ თბილისის ვარკეთილის სპორტულ ბაზაზე მყოფი საბერძნეთის ქალაქ სალონიკის რვა ძიუდოსტები, საბერძნეთის სახელით მოასპარევე ჩვენი ცნობილი ძიუდოსტის ჯარჯი ზვიადაურის (ილიას ილიადისის) მწვრთ-



ელენე ფარეშიშვილი და ნანი უნაფქოშვილი

ნელის ძმის - მერაბ ილიადისის ხელმძღვანელობით. ჩვენ აქ, საგარეჯოს ძიუდოს დარბაზში ერთობლივი ძალებით ჩავატარეთ სამი ერთობლივი წვრთნა-შეხვედრა, რაც ჩემი ახრით მეტად მომგებიანი იქნება ორივე მხარისათვის, როგორც ჩვენთვის, ისე ბერძნებისათვის და ამასთან ხელს შეევიწყობს საწვრთნელ საქმიანობაში გამოცდილების გაზიარებისა და სიახლეების დანერგვის საქმეში.

ჭიდაობის სხვა სახეობებთან ერთად წარმატებები შარშან ჩვენმა სამბისტებმაც იხიემეს, კერძოდ უშანგი კუზანაშვილმა და დახმარებით სვიმონიშვილმა, თუ კიდევ გვეყავდა ამ სახეობაში გამორჩეული ფაქტები?

არა, გასული წელი მხოლოდ ამ ორი ფაქტისთვის იყო წარმატებული. უშანგი კუზანაშვილმა მოიპოვა ევროპის ჩემპიონობა და მსოფლიოს ვიცე-ჩემპიონის ტიტული, ახალ 57 კგ წონით კატეგორიაში. ასევე მოგებული აქვს მსოფლიოს ორი ხარდამპივეის ტურნირი, მინსკში ბელარუსის პრეზიდენტის თასი და რამდენიმე საქრთაშორისო

ტურნირი, რაც შეეხება სიმონიშვილს, 2011 წლის საქართველოს ჩემპიონია.

ბრძენთა თამაშის ჭადრაკის შესახებ რაღაც გვეტყვი, როგორია აქ მოპოვებული შედეგები?

2011 წელი ჩვენმა მოჭადრაკეებმა მნიშვნელოვანი მიღწევებით გაცილეს. ჩვენი ცნობილი მოჭადრაკე ნანი უნაფქოშვილი ვერცხლის მედლის მფლობელი გახდა 16 წლამდე მოჭადრაკეთა შორის, ხოლო 18 წლიანებში ბრინჯაო მოიპოვა. მართალია, მას არ გაუმართლა ევროპასა და მსოფლიოზე, მაგრამ იმედია ამ დანაკლისის მომავალში „აინაზღაურებს“.

წამოვიდა საქართველოს ჩემპიონატებსა და ტურნირებზე გამარჯვებულ თუ პრიზორ საგარეჯოელ ნორნ მოჭადრაკეთა ახალი თაობა: ლალი გარსიაშვილი, ეთუნა ხებრელაშვილი, ნიკა კეველიშვილი, ლუკა გურჯიძე, ლევან დალბაშვილი, ერეკლე კავთუაშვილი, ნინო მელაშვილი, ირაკლი მატიაშვილი და სხვები, რომლებიც თავიანთ სიტყვას უსათუოდ იტყვიან ახლო მომავალში სპორტის ამ პოპულარულ სახეობაში.

წარმატებებს ველით ჩვენი მძლეოსნებისგანაც, რომელთაც რაღაც ორი წელია განაახლეს ვარჯიშები და ჯერჯერობით ამ სექციაში 20 ბავშვი შეცადინეობს.


რას გვეტყვით სკოლის სამთავლო 2012 წლის გეგმებზე?

გეგმები რა თქმა უნდა ერთია - უფრო მეტის გაკეთება და მიღწევა, ისე, რომ ეს წელი წინას დაემჯობოს.


როგორც საგარეჯოელი და სერიოზული სპორტული დაწესებულების ხელმძღვანელი, რას უსურვებდით ჩვენს სპორტსმენებს?

რა თქმა უნდა ყოველივე კარგს, დღეგრძელობას, ჯანმრთელობას, სეკსა და ბარაქს, აკვნების სიმრავლეს, ქვეყნის გამთლიანებას, წინსვლასა და ახალ-ახალ წარმატებებს საგარეჯოსა და მთელი ქვეყნის სასიკეთოდ.

საახალწლოდ საქართველოს სპორტისა და ახალგაზრდობის სამინისტრომ სასტუმრო „რედისონში“ დაასახელა 2011 წლის ჭაბუკებსა და ახალგაზრდებში ქვეყნის საუკეთესო სპორტსმენები, რომელთა ათეულში ჩვენი ძიუდოსტი ვანო მამისაშვილიც მოხვდა. ამაზე ადრე, უფროს ასაკში ათეულში დასახელდა დახმარებით სეციშვილი. ეს ჩვენი მუნიციპალიტეტის ყველა სპორტსმენის, ყველა მწვრთნელ-მასწავლებლის შრომის კიდევ ერთი დიდი დაფასებაა და ვეცდებით ამ წელშიც არ დავერწეთ ვალში ქვეყნისა და ქართველი ხალხის წინაშე. ხოლო თუ როგორ ჩავიდის ჩვენი ეს მცდელობა, მომავალი გვინჟნებს. □



თამაზ კირაკოშვილი




ნანა როსტომაშვილი

დინარე, შეჯიბრებაში მხარის ყველა იმ მუნიციპალიტეტის მოჭიდავე იღებდა მონაწილეობას, სადაც ჭიდაობის ეს სახეობაა დანერგილი.

ერთდღიანი შეჯიბრების შემდგომ გამოვლინდნენ პირველობის გამარჯვებულნი და პრიზორები, რომლებიც შეყვანილი იქნებიან რეგიონალურ ნაკრებში. საგარეჯოელი ძიუდოსტებიდან ეს პატივი ასაკობრივი ჯგუფების მიხედვით მოიპოვეს: ჭაბუკებში 1996-97 წლიანებში: ირაკლი კუპატაძემ, - რომელიც ჩემპიონი გახდა 50 კგ წონით კატეგორიაში.

55 კგ. წონით კატეგორიაში გაიმარჯვა და ნაკრების კანდიდატობა გაინაღდა ოთარ კაციაშვილმა. ამავე წონაში მესამე ადგილი გაიყვეს ვახტანგ უსტიაშვილმა და ვასიკო მათიაშვილ-



ივანე მამისაშვილი

## წლის პირველი ასპარეზობა საგარეჯოში

# საგარეჯოელი ძიუდოსტები კახეთის ნაკრებში

20 იანვარს საგარეჯოს ძიუდოს დარბაზში ჩატარდა კახეთის რეგიონული პირველობა ჭაბუკებსა და ახალგაზრდებში ჭიდაობა ძიუდოში. ასპარეზობა, ჭიდაობის ამ ოლიმპიური სახეობის შემდგომ პოპულარიზაციასთან ერთად, მიზნად ისახავდა კახეთის რეგიონული ნაკრებისათვის კანდიდატების შერჩევას, რომლებიც შემდგომ მონაწილეობას მიიღებენ საქართველოს პირველობაში. აქედან გამომ-

ა.

60 კგ წონით კატეგორიაში საფინალო ორთაბრძოლა ორ საგარეჯოელს - კობა მჭედლიშვილსა და დათო წიკლაურს შორის გაიმართა, სადაც პირველმა მათგანმა იმარჯვა.


66 კგ წონით კატეგორიაში უძლიერესი სიმონ მამარდაშვილი გახდა. 73 და 81 კილოგრამ წონით კატეგორიებში მეორე საპრიზო ადგილები დაიკავეს შესაბამისად თამაზ კირა-

ადგილით აღნიშნეს ჩვენმა ძიუდოსტებმა ახალგაზრდებში (1993-95წწ) თავიანთი გამოსვლა. აქ პირველ, - დაწყებით 55 კგ წონით კატეგორიაში პირველ-მეორე ადგილები ორ საგარეჯოელს შორის გათამაშდა. ფინალში ერთმანეთის პირისპირ გიორგი გრატიაშვილი და გიორგი კუპატაძე აღმოჩნდნენ, სადაც პირველმა მათგანმა იმარჯვა.

60 კგ წონით კატეგორიაში უძლიერესი ნანა როსტომაშვილი იყო. ამავე წონაში მესამე პრიზორი კიდევ ერთი საგარეჯოელი ძიუდოსტი, შარშანდელი ევროპის პირველობის გამარჯვებული ვანო მამისაშვილი გახდა.

ჭაბუკებში 73 კგ წონით კატეგორიაში ხელიდან გაშვებული პირველი ადგილი, ახალგაზრდებში იმავე წონაში აინაზღაურა თამაზ კირაკოშვილმა. მან უხარვეზოდ ჩაატარა ამ წონაში თავისი ყველა შეხვედრა, ზედიზედ 4 მოგება ჩაიწერა თავის აქტივში და კიდევ ერთხელ დაამტკიცა თავისი შესაძლებლობები. ამავე წონაში მესამე ადგილები გაიყვეს ვანო როსტიაშვილმა და ლევან მეფარიძემ. 81 კგ წონით კატეგორიაში III ადგილი დაიკავა ზაურ მამარდაშვილმა.

ყველა პრიზორი შეყვანილია კახეთის ნაკრებში და მონაწილეობას მიიღებს საქართველოს პირველობაში. □



ირაკლი კუპატაძე

# „მართალთა უინა ღიალუი“

## ბელა შაქარაშვილი



ჩვენი კლასის ბიჭებიდან პირველმა შენ ჩაიცვი ჯარისკაცის ფორმა, ჩვენო ბელა. სულ ექვსი თვის ნამსახურები გქონდა ქართულ გვარდიაში და 1993 წლის 14 სექტემბერს ქართული მი-

წის დაცვისას, ტამიშთან ჩაქრა შენი სიცოცხლე. მას შემდეგ 18 წელზე მეტი გავიდა. ვერ ვივიწყებთ შენს სახელს, ბელა. ახლაც, 19 თებერვალს 37 წელი გისრულდება – სამშობლოსათვის თავგანწირულ, უცოლშვილოდ გადაგებულ ბიჭს.

არასოდეს დაგივიწყებთ, ჩვენო ბელა, ყოველთვის სიამაყით გავისხენებთ შენს სახელს.

**საგარეჯოს II საშუალო სკოლის 1991-1992 წლების კურსდამთავრებულები.**

## 2008 წლის აპრილის 11-ის გვირაობაში ბია კირაკოზაშვილი

გია, ჩემო სიცოცხლეზე თვალდარჩენილო, ჩემო უდროოდ გულისცემა შეწყვეტილო შვილო, გილოცავ შეუსრულებელ დაბადების 37-ე წელს, რა ხანია შენზედ არაფერი დამიწერია. რა ექნა, შვილო, ხელი გონებას არ ემორჩილება, გული კიდევ სხვა რამეს ამბობს... გიკვირს, ალბათ ამდენი ხანი დედამ შენზე რომ არაფერი დაწერა. იმდენი რამ გააკეთე, შვილო, რომ შენზედ ყოველთვის შეიძლება რამის დაწერა. იცი, რა ძნელი ყოფილა, შვილო! მენატრები, ტკივილამდე მენატრები, შვილო, დრო მიდის, მონატრება ძლიერდება, ტკივილი კი ღრმავდება.

სახელს ვერ ვპოულობ, არ ვიცი, რა პქვია შვილმკვდარი მშობლის მწუხარებას, ალბათ ეს არის „უკურნებელი სენი“, მშობლის გულსა და გონებას რომ დაჰპატრონებია და ხრავს, თანაც დაგამუნჯებს, დაგაყრუებს და გაგთელავს. ისიც მართალი ყოფილა: ვისაც შვილი არ მოჰკვდომია, ის სხვის მშობელს სამძიმარს ვერ ეტყვისო.

ჩემო უსაყვარლესო შვილო, დედა

კვდება მაშინ, როცა შვილი უკვდება. მე მაშინ მოვკვდი, როცა შენ წახვედი ამ ქვეყნიდან, მაგრამ ვსულდგმულობ, მხოლოდ შენთან შეხვედრის მოლოდინით, მერე სულ შენთან ვიქნები, ამქვეყნიდან კი დარჩება შენი ორი ვაჟკაცი – ოთარ და ნიკოლოზ კირაკოზაშვილები, რომლებიც სულ შენს ხსენებაში არიან, დარჩება შენი ქალიშვილი, რომელიც ამბობს: მამა რომ დაიღუპა მე მერე დავიბადეო. დარჩება კიდევ შენი წმინდა საფლავი. შენ ვერასოდეს შემოადებ შენი ეზოს კარს, შვილო.

საოცრად თბილი და მოსიყვარულე ადამიანი იყავი, ყველა გიყვარდა, დიდი მიმტყვებელი იყავი, შვილო, სიტყვის კაცი იყავი, წყენას არასოდეს ჩაიდებდი გულში, სხვების წარმატება გიხაროდა, შური რა იყო, არ იცოდი, ყოველთვის ამაცობდი შენი მშობლებით, დებით და შვილებით.

ეს, შვილო, როგორ გიყვარდა შენი საქართველო, ყველას სიამაყით უყვებოდი სხვადასხვა ისტორიებს და ამბობდი: ომი გარდუვალა, აუცილებლად მოხდება, მერე გამიხნდება, ვინ ვაჟკაცია და ვინ ლაჩარიო. მართლაც, 2008 წლის 9 აგვისტოს, ღირსეულად დასრულდა შენი ლამაზი სიცოცხლე. „საქართვე-

ლო გმირების სამშობლოა, შენ ხარ „საქართველო“, შვილო, შენს სახელს დავიწყება არ უწერია!

მადლობა ღმერთს ყველაფრისათვის, მადლობა უფალს, რომ შენ იყავი ჩვენთან და ჩვენთვის, როგორც სიმბოლო და ორიენტირი დვითისკენ მსწრაფველი სულისა.

გია, შვილო, მადლობა, რომ სიზმრად მოდიხარ და მანუგეშებ: „მე ცოცხალი ვარ“, დიდსულოვანი ვაჟკაცი იყავი და ასეთად დარჩი მანდაც, საუფლოში.

უდიდესი მადლობა, შვილო, რომ სიკვდილი გამიადვილე!!!

შენთან შეხვედრის მომლოდინე დედა **ნანი (დადი) კირაკოზაშვილი**



## გამონათობარი თამილა ქაიხოსროშვილი

დადიოდა ქალაქის ქუჩებში ერთი მშვენიერი ქალბატონი და თავისი არსებობით შნოსა და ღაზათს მატებდა ჩვენს პატარა ქალაქს. მერე მანაველთა რძალიც გახდა და ოჯახურმა ბედნიერებამ კიდევ უფრო მეტად დაამშვენა „დიდი სახლის პატარა დიასახლისი“.



მისი ცოდნა, განათლება და მაღალი პროფესიონალიზმი ყოველთვის იწვევდა მეგობრების, კოლეგების, მრავალრიცხოვანი მოსწავლეებისა და მათი მშობლების აღტაცებასა და უზომო პატივისცემას. ეს ყველასათვის საყვარელი და პა-

ტივისცემი ქალბატონი თამილა ქაიხოსროშვილი იყო.

დღეს უკვე წარსულში ვლამარაობთ იმ ადამიანზე, რომელიც სულ ცოტა ხნის წინ ჩვენ გვერდით იდგა, ჩვენთან ერთად წახდა და ჩვენთან ერთად უხაროდა. დიას, საკუთარმა დიდმა ტკივილმა და მწუხარებამ ვერ წაართვა სხვისი წარმატებით, სიხარულითა და ბედნიერებით გახარების უნარი. ოდესღაც ხომ თვითონაც უბედნიერესი დედა და მეუღლე იყო! მაგრამ ეს სოფელი დიდხანს ძალიან ცოტას ახარებს და მისთვისაც დრო პირველად მაშინ გაჩერდა, როცა სრულიად მოულოდნელად უსაყვარლესი მეუღლე გამოეცალა ხელიდან. ფრთამოტეხილმა, ცალუდელად დარჩენილმა დედამ ღირსეულად ზიდა უმძიმესი ტკივილიანი ტვირთი, რომ დაობლებული შვილებისათვის უმამობა არ ეგრძნობინებინა, ორივე გზაზე დაეყენებინა და როცა თავისი დედური ვალი პირნათლად მოიხადა, სწორედ მაშინ მეორედ დაატყდა თავს უდიდესი უბედურება – დაკარგა თავისი საფიცარი ზაზა და მასთან ერთად დამთავრდა მისთვის ყველაფერი. ამ გაუსაძლისმა ტკივილმა და მწუხარებამ შეიწირა მისი ჯანმრთელობა.

ტკვილად არ უთქვამთ: წაქცეული ხე უფრო ზუსტად აიზომებაო. გარდაცვალება თვალნათლივ აჩვენებს მიცვალებულის პიროვნულ სიმაღლეს, სიძლიერესა და ზნეკეთილობას.

მიუხედავად მოუშუშებული ტკივილისა და დარდისა, რომელსაც გულით ატარებდა თავისი მოვალეობისათვის არასოდეს უღალატია. უყვარდა სკოლა, ბავშვები და თავისი საქმე, რომელსაც უდიდესი სიყვარულითა და უმაღლესი პროფესიონალიზმით აკეთებდა. იყო მზრუნველი დედა, ბებია, ამხანაგი და მეგობარი. მთელი თავისი შეგნებული ცხოვრების წლები პატიოსნად და პირნათლად იცხოვრა და ახლობლების, თანამშრომლებისა და მრავალრიცხო-

ვანი აღზრდილების უდიდესი სიყვარული და პატივისცემა დაიმსახურა.

არ გვემტკებო, ჩვენო თამილა. ქედს ვიხრით შენი პიროვნული სიმაღლისა და სიძლიერის წინაშე! დარდითა და ტკივილით სავსე მიდიხარ, შვილებსა და შვილიშვილებზე თვალდარჩენილი. იქიდან ილოცე მათი ბედნიერებისათვის. გვეიმედება, რომ შენ უსაყვარლეს ადამიანებთან დავიანებ, სასუფეველსავე საველ გზას კი შენი ახლობლების ღოცვა, სიყვარული და ანთებული სანთლები გაგინათებენ. უფალი გვარავდეს.

**საგარეჯოს II საჯარო სკოლის პედაგოგიკტივი**

## იოსებ (პოლია) გიორგის ძე პირცხულავას ბახსენება (სამაგულო ომის ვატირანი)

ათი წელია, რაც აღარ ხარ. კაცურად იცხოვრე ამ ქვეყანაზე. მოულოდნელად წახვედი ჩვენგან, ჩუმად, უხმაუროდ. ბუნებით მოკრძალებულს არავინ შეგიწუხებია. იყავი გამორჩეული პიროვნული თუ საქმიანი თვისებებით, ყოველთვის სიკეთის მთესველი და მეც გავყვები შენს მიერ დათესილ სიკეთის კვალს. უფალმა დაგიმკვიდროს სასუფეველი.

**შენი შვილი ნათელა მირცხულავა**



# უაპი ას ინა



კითხვა გაკვირ?

როგორ მოხდება მოცემული საწვავის ხარჯად აღიარება?

ბიზნესში!

ნათელა ჭიბაბრაშვილი, აუდიტორული ფირმა შპს „გარანტის“ დირექტორი 599 512 461



ძალიან აქტუალურია საწვავის ჩამოწერის საკითხი, მაშინ როცა საწარმოს არა აქვს საკუთარი ტრანსპორტი და სასაწვავო მეურნეობა. საწარმოს აღმინისტრაცია მიზანშეწონილად მიიჩნევს,

რომ ამის უზრუნველყოფა შეასრულოს თანამშრომელმა საკუთარი ავტომანქანით. წინასწარ გაანგარიშებული საშუალო თვიური გარბენის საფუძველზე გასცემენ საწვავის ტალონებს. აღნიშნულ ხარჯს შემდგომში გამოქვითავენ მოგება-ზარალის ანგარიშიდან.

თუმცა ჩნდება კითხვა: ეკონომიკურ საქმიანობაში გამოყენებულ ავტოსატრანსპორტო საშუალებებზე მოხმარებული საწვავის ღირებულების ერთობლივი შემოსავლიდან გამოსაქვით ხარჯად აღიარებისათვის აუცილებელია, რომ საწვავის შექენა -გამოყენება დასტურდებოდეს შესაბამისი დოკუმენტებით, რაც ნიშნავს შემდეგს:

- 1. საწვავის შექენისას - შექენის დამადასტურებელი დოკუმენტების არსებობა;
2. საწვავის გაცემისას შესაბამის ავტოსატრანსპორტო საშუალებაზე გაცემის და გამოყენების დადასტურება;
3. საწვავის გახარჯვისას - შექენილი და გაცემული საწვავის მიზნობრივად გამოყენების დადასტურება;
შექენის დამადასტურებელ დოკუმენტად ჩაითვლება მხოლოდ სპეციალური ნვთობ-პროდუქტების ანგარიშ-ფაქტურა, ხშირად მქონია შემთხვევა საწარმო წარმომადგენს საღარიბო აპარატის ქვითარს საწვავის შექენის დამადასტურებელ დოკუმენტად, რაც სწორი არ

არის, საღარიბო აპარატის ქვითარი ხდება მხოლოდ გამყიდველის იდენტიფიცირება და არა მყიდველისა, ასევე, ქვითარში არ ჩანს, რა სახის საწვავი იქნა შექენილი და რამდენი ლიტრი, ასე, რომ ჩვეი ვერ აკმაყოფილებს კანონით გათვალისწინებულ მოთხოვნებს საწვავის შექენის დასადასტურებლად.

საწვავის გამოსაქვით ხარჯად აღიარებისათვის გადამხდელი ვალდებულია საწვავის გაცემასთან და გამოყენებასთან დაკავშირებული დოკუმენტაცია ისე აწარმოოს, რომ შესაძლებელი იყოს დადგენა:

- ა) რომელი ობიექტის მიერ მოხდა საწვავის გახარჯვა;
ბ) გახარჯული საწვავის სახე და რაოდენობა;
საწვავი შესაძლებელია გაიცეს ანგარიშვალდებულ პირზე ტალონებით, პლასტიკური ბარათის გადაცემით, პირდაპირი ჩასხმით საკუთარი ავს-დან, საკუთარი ავზიდან პირდაპირი გადაცემით. გახარჯული საწვავის ეკონომიკურ საქმიანობაში გამოყენების დადასტურების მიზნით გადამხდელს შეუძლია შემოიღოს „საგზურის ფურცელი“ ან სხვა რაიმე დოკუმენტი, რითაც შესაძლებელი იქნება დაგვიდასტუროთ, რომ აღნიშნული ტრანსპორტი ემსახურებო-

და ეკონომიკური საქმიანობის განხორციელებას, ხოლო საწვავის ხარჯის დამადასტურებლად უნდა აწარმოოს სატრანსპორტო საშუალების განვლილი მანძილის აღრიცხვის რეგისტრი, სადაც დაფიქსირებული უნდა იქნეს ოდომეტრის ჩვენება თვეში არანაკლებ ერთხელ მაინც.

იმ შემთხვევაში თუ საწვავის ხარჯის ნორმები რეგლამენტირებული არ არის, საწვავი ჩამოიწერება ფაქტობრივი ხარჯისა და ცალკეული მარკის ავტოსატრანსპორტო საშუალების საწვავის ხარჯის ტექნიკური მახასიათებლების გათვალისწინებით. დასაშვებია ცდომილება, რომლის ფარგლებშიც საწვავზე გაწეული ხარჯი არ ექვემდებარება გაუქმებას, ხოლო ჩათვლილი დღგ-ს თანხა აღდგენას.

კერძოდ: თუ სატრანსპორტო საშუალების გამოშვებიდან გასულია არა უმეტეს 5 კალენდარული წელი - 20%-იანი ცდომილება; სხვა შემთხვევაში 25%-იანი ცდომილება.

„ეთაბ, შენ ეს ჩემი ფიქრები გულ-მკერდზე დაინეროდი!“



ლელია არჩაბაშვილი 551 735774

ასე ერქვა ღონისძიებას, რომელიც ვაჟ-ფშაველას დაბადების 150 -ე წლისთავს მიეძღვნა და გომბორის საჯარო სკოლაში გაიმართა. ლიტერატურული საღამოს სულის ჩამდგმელი გახლდათ მეოთხე კლასის სერთიფიცირებული მასწავლებელი მარეს დიდებაშვილი. გომბორში, მრავალეროვანი, შეხმატებული სოფლის მოსახლეობის უმრავლესობა მთიელები არიან. აქ განსაკუთრებულად უყვართ ვაჟა, აქ ყოველი დღე ქართული პოეზიის არწივისაა. გომბორელ მასწავლებლებს სკოლაში ვაჟს კაბინეტი აქვთ და საიუბილეო სამზადისი სექტემბრიდან, სწავლის განახლებისთანავე დაუწყიათ: შეისწავლეს ვაჟა-ფშაველას ბიოგრაფია, ლექსები, მოთხრობები, წერილები, მოაწვეეს თავიანთი ნახატების გამოფენა - „ვაჟას პერსონაჟები“.

დასასრულს მეოთხეკლასელებმა დამრიგებლის, მარეს დიდებაშვილის დახმარებით, ვაჟას პატივსაცემად, სკოლის სააქტო დარბაზი ფშაური ფარდაგებითა და ამ კუთხისათვის დამახასიათებელი საყოფაცხოვრებო ნივთებით დაამშვენეს. ღონისძიებაზე მთიწვიეს პედაგოგები, მშობლები, უფროსკლასელები.

დაიწყო საღამო და ღოცვასავით გაისმა ვაჟას ლექსი „ჩემი ვედრება“, მას მოჰყვა „არწივი“, „ქეფი“, „სიმღერა“, „საახალწლო“... მეოთხეკლასელებმა თათა ხუმარაშვილმა და მარიამ გოგნელაშვილმა უღამაჯესად წარმოადგინეს ინსცენირება ლექსისა „ორი გმირი“. ვაჟას აფორიზმების ცოდნის გამოქვეყნებაში ხომ მთელი კლასი ჩაერთო.

მოსწავლეებმა დამსწრე საზოგადოება შეახვედრეს ატირებულ შვლის ნუკრსა და მთის არწივს, ბახტრიონს მიმავალ ლელა ბაჩელსა და კვირიას, გოგო-

ურსა და აფშინას, ბაკურს, გიგის, კაი ემას...

გაცოცხლეს „ჩხიკვა ქორწილის“ მათთვის საყვარელი ფრინველები და თხილის მოყვარე წრუწუნა.

მაყურებელთა დიდი მოწონება დაიმსახურეს პატარა მსახიობებმა: ნინო და შმაგი არაბულემა, თათა და ხატია ხუმარაშვილებმა, ვახტანგ ჯღუთაშვილმა, კვირია შეთეკაურმა, ლუკა წიკლაურმა, თათია ჭინჭარაულმა, თამარ ქონაშვილმა, ნათია ხიბლაშვილმა, გიორგი გაბინაშვილმა, მათე თუთლაშვილმა; მათ მსმენელთა წაუკითხველ მოგონებები ვაჟაზე. ქართველებთან ერთად მეოთხე კლასში სწავლობენ გომბორელი ახერბაიჯანელი და რუსი ბავშვები, რომელთაც მშობლიურ ენასავით შეიყვარეს ქართული და ღონისძიებაში აქტიური მონაწილეობაც მიიღეს. „ბახტრიონის“ გმირი კვირია შესანიშნავად განასახიერა ახერბაიჯანელმა მოსწავლემ ისმაილ მაქსიმოვმა; ხოლო მირზა მამედოვმა, მიხეილ მოლჩანოვმა, მარიამ მაქსიმოვამ, რენატ მამედოვამ, სამირა მუსაევამ, რაშიდ ახმედოვამ,ჯულიეტა ჯაფაროვმა, მირ-

ნალი მირნადიევმა ვაჟას ლექსები წაუკითხეს მსმენელს და პერსონაჟებიც ლამაზად განასახიერეს.

ვაჟა-ფშაველას სხონის პატივსაცემად ფშაურ ტანსაცმელში გამოწყობილი მეოთხეკლასელი გოგონები „ბუხარი“ ჩამოსხდნენ, საჩუქელი და ტარ-ფარტენა მომარჯვეს და საღიაცო საქმეში გართულებმა კაფიაობა დაიწყეს.

ამ ღამაში სანახაობის შემდეგ მეოთხე და მეხუთე კლასელებს შორის გაიმართა ვიქტორინა „ვინ უკეთ იცის ვაჟას ბიოგრაფია?“ პასუხგაუცემელი კითხვა არ დარჩენილა, იმდენი რამ იციან მოსწავლეებმა ვაჟას შესახებ. „ბრძოლის“ შემდეგაც ვერ გამოვლინდა გამარჯვებული და ამის გამო თითოეული მათგანი სკოლის დირექციის სიგელებით დაჯილდოვდა.

დასასრულ მარეს დიდებაშვილმა მადლობა გადაუხადა პედაგოგებს: მზია არაბულს, თამარ ჩოლაგაურს, ზაზა ქისტაურსა და ელენე წივილაშვილს ამ ღამაში საღამოს მომზადებაში დახმარებისათვის.

ლიტერატურული საღამო ისე დრამა შინაარსიანი იყო, აუცილებლად უნდა აღინიშნოს სერთიფიცირებული მასწავლებლის მარეს დიდებაშვილის მოსწავლეებთან თავდადებად მიუშაობის შესახებ.



მეოთხეკლასელები უკვე ნახიარებნი არიან ვაჟას პოეტურ სამყაროს, მისი შემოქმედების სიდიადესა და თავისებურებას, ადამიანისა და ბუნების ურთიერთობის მიმართებას, ზეპირად იციან პოეტის კეთილშობილური აზრები და აფორიზმები. ვაჟა „საახალწლო ფიქრები“ წერს: „ამ ახალწლის დამდეგს ეს ფიქრი მოდის ძალაუნებურად... საცა ვცხოვრობთ, და რომელ ქვეყნის შვილებიცა ვართ, რომელი

ქვეყნის პურით, ღვინით, წყლით და ჰაერით ვსაზრდობთ, იმას ვარგოთ რამ, ვაკეთოთ იმის სასარგებლოდ ჩვენის ძალ-ღონის დაგვარად, რაც-კი შეგვიძლია... თუ ჩვენთვის და ჩვენის ქვეყნისთვის ვიქნებით კარგნი, ჩვენს საკუთარ შინაურ საქმეს წავიყვანთ კარგად, მაშინ მთელი კაცობრიობისთვისაც სასარგებლონი ვიქნებით“.

შეუსრულა მთამ ვაჟას თხოვნა, მისი ფიქრები გულ-მკერდზე დაიწერა და მარეს დიდებაშვილი ის მასწავლებელია, რომლის თავდაუზოგავი შრომითაც მის მოსწავლეებს ამ ფიქრების წაკითხვა და გააზრება შეუძლიათ.

რედაქტორი: თინათინ ილაური
„გარეჯის მაცნე“ გამომცემელი შპს „გარეჯის მაცნე“
რედაქციის მისამართი: ქ. საგარეჯო, დ. აღმაშენებლის ქ. № 15,
გაზეთი აიწყო და დაკაბადონდა შ.პ.ს. „გარეჯის მაცნეში“ დაიბეჭდა თბილისში, გამომცემლობა „კოლორში“.
ტელეფონები: 24-32-07 599 502 842 577 951 488